

АКАѢИСТЪ

ПРЕПОДОБНОМУ ꙗ БОГОНОСНОМУ ОТЦУ НАШЕМУ

СЕРАФИМУ,

Саровскому чудотворцу.

*Печатается по благословению
Святейшего Патриарха Московского
и всея Руси Алексия II*

АКАѢИСТЪ

ПРЕПОДОВНОМУ и БОГОНОСНОМУ ОТЦУ НАШЕМУ

СЕРАФИМУ,

Саровскому чудотворцу.

Дорогие отцы, братья и сестры, молитвенно прибегающие к предстательству и помощи преподобного отца нашего Серафима Саровского!

Господь судил нам жить в годы, которые определяют судьбу нашей страны, её будущее. В это беспокойное время многим из нас не хватает мирного, созидającego духа — духа Кротости и Любви.

Как современно звучат сегодня слова пламенного старца Серафима: "Радость моя, молю тебя, стяжи дух мирен и тогда тысяча душ спасется около тебя". Господь, по молитвам преподобного Серафима, да ниспошлет в наши сердца этот мирный дух и поможет преодолеть все нестроения.

Радость о Воскресшем Господе, Спасителе нашем, носителем которой был преподобный Серафим Саровский, да живет всегда в сердцах ваших!

Алексий, Патриарх Московский и всея Руси

23 июля 1991 года



"Икона Преподобного Серафима Саровского,
находящаяся в келье Святейшего Патриарха
Московского и всея Руси Алексия II"



“Икона Преподобного Серафима Саровского, находящаяся в кабинете Святейшего Патриарха Московского и всея Руси Алексия II” (золотое шитье, жемчуг, камни).

АКАѢИСТЪ

Кондакъ 1.

Избранный чудотворче и
Предивный угодниче Хри-
стовъ, скорый помощниче
и молитвенниче нашъ, пре-
подобне отче Серафиме!
величающе прославльшаго
тя Госнода, воспѣваемъ ти
похвальная. Ты же, имѣяй
веліе дерзновеніе ко Господу,
отъ всякихъ насъ бѣдъ
свободи зовущихъ: Радуйся,
преподобне Серафиме, Са-
ровскій чудотворче.

Икосъ 1.

Ангеловъ Творецъ избра
тя изначала, да просла-
виши житіемъ твоимъ пре-
чудное имя святыя Троицы:
явился бо еси воистинну
ангелъ на земли и во плоти
Серафимъ: яко лучъ пре-
свѣтлый вѣчнаго солнца
правды, просвѣтися житіе
твое. Мы же, зряще прехваль-
ныя труды твоя, съ благо-
говѣніемъ и радостію гла-
големъ ти сицевая: Радуйся,
правило вѣры и благоче-
стія: радуйся, образе крото-
сти и смиренія. Радуйся,

преславное вѣрныхъ величаніе: радуйся, претихое скорбнымъ утѣшеніе. Радуйся, прелюбимое иноковъ похваленіе: радуйся, живущимъ въ мірѣ предивное поможеніе. Радуйся, російскія державы славо и огражденіе: радуйся, тамбовскія страны священное украшеніе. Радуйся, преподобне Серафиме, Саровскій чудотворче.

Кондакъ 2.

Видящи мати твоя, преподобне отче Серафиме, теплую любовь твою - ко

иноческому житію, позна
святую волю Господню о
тебѣ, и Богу яко даръ совер-
шенъ приносящи, благо-
слови тя на тѣсный путь
иноческій святымъ крестомъ
своимъ, егоже до конца
житія твоего на персехъ
носишь еси, знаменуя велию
любовь твою къ распенше-
муся за ны Христу Богу
нашему, Ему же вси со уми-
леніемъ зовемъ: Аллилуіа.

Икосъ 2.

Разумъ небесный тебѣ
даровася, святче Божій:
отъ юности твоя не пре-

стая́ помышляти о небес-
нѣмъ, оставилъ еси домъ
отчій, Царствія Божія ради
и правды его. Сего ради
пріими отъ насъ похвалы
сія: Радуйся, града Курска
чадо богоизбранное: радуй-
ся, родителей благочести-
выхъ отрасль пречестная.
Радуйся, добродѣтели матере
своея унаслѣдивый: радуй-
ся, благочестію и молитвѣ
ею наученный. Радуйся, на
подвиги отъ матере крестомъ
благословенный: радуйся,
благословеніе сіе яко свя-
тыню до смерти соблюдый.

Радуйся, любви ради Господа домъ отеческій оставивый: радуйся, вся красная міра сего ни во чтоже вмѣнивый. Радуйся, преподобне Серафиме, Саровскій чудотворче.

Кондакъ 3.

Сила вышняго отъ юности
Ствоея воистинну храняше
тя, преподобне: съ высоты
бо храма спадша сохрани
тя Господь неврежденна, и
страждущу ти лютѣ сама
Владычица міра явися, съ
небесъ исцѣленіе принеши,
зане измлада вѣрно слу-

жилъ еси Богу, выну взы-
вая Ему: Аллилуіа.

Иѡсѡвъ 3.

Имѣя тщаніе о подвижѣ
иноческаго равноангель-
наго житія, во градъ свя-
тый Кіевъ поклоненія ради
преподобнымъ нечерскимъ
притеклъ еси, и отъ устъ
преподобнаго Досиѡея пове-
лѣніе пріимъ, въ пустыню
Саровскую путь свой упра-
вити, вѣрою издалеча обло-
бызаль еси мѣсто святое
сіе, и тамо вселився житіе
твое богоугодное скончалъ
еси. Мы же, дивящіяся тако-

вoмy o тебѣ Божію промышленію, со умиленіемъ вошіемъ ти: Радуйся, мірскія суеты отрѣшивыйся: радуйся, небеснаго отечества пламеннѣ возжелѣвый. Радуйся, Христа всѣмъ сердцемъ возлюбивый: радуйся, благое иго Христово на себе воспріемый. Радуйся, совершеннаго послушанія исполненный: радуйся, святыхъ заповѣдей Господнихъ блюстителю вѣрный. Радуйся, умъ твой и сердце въ Бозѣ молитвенно утвердивый: радуйся, столпе благочестія

непоколебимый. Радуйся,
преподобне Серафиме, Са-
ровскій чудотворче.

Кондакъ 4.

Бурю злыхъ напастей ути-
шая, прошелъ еси весь
путь тѣсный и скорбный
подвига иноческаго, несый
яремъ пустыннаго житія,
затвора и молчанія, много-
нощнаго бдѣнія, и тако
благодатію Божіею восходя
отъ силы въ силу, отъ
дѣянія къ боговидѣнію,
преселился еси во обители
горнія, идѣже со ангелы
поеши Богу: Аллилуіа.

Икосъ 4.

Слышаще и видяще святое
Сжитіе твое, преподобне
отче Серафиме, вся братія
твоя удивляхуся тебѣ, и
приходяще къ тебѣ, поуча-
хуся о словесѣхъ твоихъ
и подвижѣхъ, славяще Го-
спода, дивнаго во Святыхъ
своихъ. И мы вси съ вѣрою
и любовію восхваляемъ тя,
преподобне отче, и воіємъ
ти сице: Радуйся, всего
себе въ жертву Господеви
принесый: радуйся, на вы-
соту безстрастія возшедый.
Радуйся, воине Христовъ

добропобѣдный: радуйся,
небеснаго домовладыки рабе
благій и вѣрный. Радуйся,
предстателю о насъ предъ
Господемъ непостыдный:
радуйся, къ Богородицѣ
молитвенниче нашъ неусып-
ный. Радуйся, пречуднаго
благоуханія крине пустын-
ный: радуйся, благодати
Божія сосуде непорочный.
Радуйся, преподобне Сера-
фиме, Саровскій чудотворче.

Кондакъ 5.

Божественный свѣтъ осія
Бжилище твое, преподобне,
егда, болящу ти и на одрѣ

смертнѣмъ лежащу, сама
Пречистая Дѣва пришедши
къ тебѣ со святыми Апо-
столы Петромъ и Іоанномъ,
рече: сей есть отъ рода
нашего, и главѣ твоей
коснуса. Абіе же исцѣлѣвъ,
воспѣлъ еси благодарнѣ
Господеви: Аллилуіа.

Икосъ 5.

Видя врагъ рода человѣча
чистое и святое житіе
твое, преподобне Серафиме,
восхотѣ погубити тя: наведе
бо на тя люди злы, иже
беззаконно истязашу тя и

еле жива суща оставиша:
ты же, отче святой, яко
агнецъ кротокъ, вся пре-
терпѣлъ еси, за обидящихъ
тя Господеви моляся. Тѣмже
мы вси, таковому твоему
незлобию дивящеся, вопіемъ
ти: Радуйся, въ кротости
и смиреніи твоемъ Христу
Богу подражавый: радуйся,
незлобиємъ твоимъ духа
злобы побѣдивый. Радуйся,
чистоты душевныя и тѣлес-
ныя хранителю усердный:
радуйся, пустынниче, дара-
ми благодатными преиспол-
ненный. Радуйся, подвиж-

ниче богопрославленный и
прозорливый: радуйся, на-
ставниче монаховъ предив-
ный и богомудрый. Радуйся,
святыя Церкви похвало и
радованіе: радуйся, обители
Саровскія славо и удобре-
ніе. Радуйся, преподобне
Серафиме, Саровскій чудо-
творче.

Кондакъ 6.

Проповѣдуетъ пустыня Са-
ровская подвиги и труды
твоя, богоносне угодниче
Христовъ: дебри бо и лѣса
ея молитвою облагоухалъ

еси, пророку Божію Іліи
и Крестителю Господню
Іоанну подражая, и явился
еси пустыни прозябеніе
многоплодное дарами Духа
Святаго. Егоже дѣйствиємъ
многая и преславная совер-
шилъ еси, подвизая вѣр-
ныхъ воспѣвати благихъ
подателю Богу: Аллилуіа.

Икосъ 6.

Возсія въ тебѣ новый бого-
видецъ, Моисею подоб-
ный, Серафиме блаженне: не-
порочно бо служеніе олтарю
Господню совершая, спо-

добился еси зрѣти Христа,
во храмѣ со безплотными
силами грядуща. Сему Божію
о тебѣ благоволенію дивя-
щеся, воспѣваемъ ти сице:
Радуйся, боговидче преслав-
ный: радуйся, свѣтомъ три-
сіаннымъ озаренный. Радуй-
ся, Пресвятая Троицы слу-
жителю вѣрный: радуйся,
Духа Святаго жилище укра-
шенное. Радуйся, Христа
со Ангелы тѣлесныма очи-
ма лицезрѣвый: радуйся,
въ брѣннѣмъ тѣлеси рай-
скую сладость предвкусивый.
Радуйся, хлѣбомъ жизни

насыщенный: радуйся, питіемъ безсмертія напоенный. Радуйся, преподобне Серафиме, Саровскій чудотворче.

Кондакъ 7.

Хотя Человѣколюбецъ Господь явити въ тебѣ, преподобне, Свое неизреченное къ людямъ милосердіе, показа ты яко воистинну свѣтило богосвѣтлое: дѣлы бо и словесы твоими всѣхъ приводилъ еси ко благочестію и любви Божіей. Тѣмъ же, сіяніемъ подвиговъ твоихъ просвѣщени и хлѣ-

бомъ ученія твоего насы-
щени, тебе усердно вели-
чаемъ и прославльшему тя
Христу вопіемъ: Аллилуіа.

ИѲОСЬ 7.

Новаго видяще тя избран-
ника Божія, издалеча
притекаху къ тебѣ вѣрніи
въ скорбехъ и болѣзняхъ:
и сихъ бѣдами отягченныхъ
не отринулъ еси, источая
цѣленія, даруя утѣшеніе,
предстательствуя въ молит-
вахъ. Тѣмже исхождаше во
всю землю россійскую вѣща-
ніе чудесъ твоихъ, и сиче

тя славляху духовная чада
твоя: Радуйся, пастырю
нашъ добрый: радуйся,
Отче милостивый и кроткій.
Радуйся, врачу нашъ ско-
рый и благодатный: радуй-
ся, немощей нашихъ цѣли-
телю милосердый. Радуйся,
въ бѣдахъ и обстояніихъ
помощниче скорый: радуй-
ся, душъ смятенныхъ умири-
телю пресладостный. Радуй-
ся, грядущая яко настоя-
щая провидѣвый: радуйся,
прегрѣшеній сокровенныхъ
обличителю прозорливый.
Радуйся, преподобне Се-

рафиме, Саровскій чудо-
творче.

Кондакъ 8.

Странное чудо видимъ на
Тебѣ, преподобне: яко
старецъ сынъ немощный и
притрудный, тысящу днѣй
и тысящу нощѣй на камени
въ молитвѣ пребывалъ еси.
Кто доволенъ изрещи бо-
лѣзни и боренія твоя, бла-
женне отче, яже претерпѣлъ
еси, въздѣя преподобнѣи
руцѣ твои къ Богу, Ама-
лика мысленнаго побѣждая
и Господеви поя: Аллилуіа.

ИѦОСЬ 8.

Весь еси желаніе, весь
Всладость, сладчайшій Іи-
сусе! тако въ молитвахъ взы-
валъ еси, отче, въ пустын-
нѣмъ безмолвіи твоємъ.
Мы же, суетою помрачен-
ніи и во грѣсѣхъ все житіе
иждившіи, восхваляюще лю-
бовь твою ко Господу, сиче
вопіемъ ти: Радуйся, любя-
щимъ и чтущимъ тя хода-
таю спасеніе: радуйся, при-
водяй грѣшниковъ ко исправ-
ленію. Радуйся, молчальниче
и затворниче предивный;
радуйся, молитвенниче о

насъ усердный. Радуйся, пламенную любовь ко Господу показавый: радуйся, огнемъ молитвы стрѣлы вражїя поналивый. Радуйся, свѣще неугасимая; молитвою въ пустыни пламенѣющая: радуйся, свѣтильниче горяй и свѣтѣй дарованїи духовными. Радуйся, преподобне Серафиме, Саровскїй чудотворче.

Кондакъ 9.

Все естество ангельское
Вудивися странному зрѣ-
нїю: старцу бо сущу въ

затворѣ, небесе и земли царица явися, повелѣваючи, да открыеть затворъ свой и да не возбранить людемъ православнымъ внити къ себѣ, но да всѣхъ пѣти научить Христу Богу: Аллилуія.

Икосъ 9.

Вѣсти многовѣщанніи не возмогутъ изрещи крѣпость любви твоея, блаженне: предаль бо еси себе на служеніе всѣмъ приходящимъ къ тебѣ, повелѣніе Богоматере исполняя, и

былъ еси недоумѣвающимъ
совѣтникъ благій, унываю-
щимъ утѣшитель, заблуж-
дающихся кроткое вразум-
леніе, болящихъ врачъ и
цѣлитель. Сего ради вопіемъ
ти: Радуйся, отъ міра въ
пустыню вселивыйся, да
добродѣтели пріобрѣщеши:
радуйся, изъ пустыни во
обитель возвративыйся, во
еже добродѣтели сѣмена
сѣяти. Радуйся, Духа Свя-
таго благодатію осіянный:
радуйся, кротости и сми-
ренія исполненный. Радуй-
ся, притекавшимъ къ тебѣ

отецъ чадолюбивый: радуйся, въ словесѣхъ любви ободреніе и утѣшеніе имъ подававый. Радуйся, приходящія къ тебѣ радостию и сокровищемъ именовавый: радуйся, за любовь твою святую радостей небеснаго Царствія сподобивыйся. Радуйся, преподобне Серафиме, Саровскій чудотворче.

Кондакъ 10.

Спасительнаго твоего подвига, преподобне, достигъ скончанія, на молитвѣ колѣнопреклоненно, святую душу

твою въ руцѣ Божіи пре-
далъ еси, юже ангели свя-
тіи вознесоша горѣ ко пре-
столу Вседержителя, да со
всѣми святыми предстоиши
во славу невечерней, воспѣ-
вая пѣснь хвалебную свя-
тыхъ святѣйшему Слову:
Аллилуіа.

Икосъ 10.

Слѣдна всѣмъ святымъ и
Синомъ отрада, Пресвя-
тая Дѣва предъ кончиною
твоею явися ти, провозвѣ-
стивши близкое твое къ
Богу отшествіе. Мы же,
дивящися таковому посѣ-

щенію Богоматере, вопіємъ
ти: Радуйся, небесе и земли
царицу лицезрѣвый: радуй-
ся, явленіемъ Божія Ма-
тере обрадованный. Радуйся,
вѣсть отъ нея ко преселе-
нію небесному пріемый:
радуйся, праведною кончи-
ною святость житія твоего
показавый. Радуйся, въ
молитвѣ предъ иконою Бо-
гоматере умиленный духъ
твой Богу предавый: радуй-
ся, неболѣзненнымъ исхо-
домъ прореченія твоя испол-
нивый. Радуйся, вѣнцемъ
безсмертія отъ руки Вседер-

жителя увѣнчанный: радуйся, блаженство райское со всеми святыми унаслѣдовавший. Радуйся, преподобне Серафиме, Саровскій чудотворче.

Кондакъ II.

Пѣніе непрестанное Пресвятѣй Троицѣ вознося, преподобне, всѣмъ житіемъ твоимъ подвижникъ великій благочестія явился еси, заблуждшимъ на вразумленіе, болящимъ душею и тѣломъ на исцѣленіе. Мы же, благодарни суще Господи за таковую милость

Его къ намъ, выну зовемъ
Ему: Аллилуіа.

ИѲОСЪ II.

СВѢТОПОДАТЕЛЬНЫЙ СВѢТИЛЬ-
НИКЪ БЫВЪ ВЪ ЖИТІИ, Бого-
блаженне отче, и по смерти
твоей, возсіялъ еси яко
свѣтозарное свѣтило россій-
скія земли: источаеши бо
отъ честныхъ мощей тво-
ихъ токи чудесъ всѣмъ съ-
вѣрою и любовію къ тебѣ
притекающимъ. Тѣмже мы
яко молитвеннику о насъ
теплому и чудотворцу во-
шѣемъ ти: Радуйся, множе-
ствомъ чудесъ отъ Господа

прославленный: радуйся, любовію твоею всему міру возсіявый. Радуйся, любви Христовы вѣрный послѣдователю: радуйся, утѣшеніе всѣмъ требующимъ твоея помощи. Радуйся, источникъ чудесъ неоскудѣваемый: радуйся, болящихъ и недужныхъ исцѣлителю. Радуйся, воды многоцѣлебныя кладязю неисчерпаемый: радуйся, яко вся концы земли наша любовію твоею объялъ еси. Радуйся, преподобне Серафиме, Саровскій чудотворче.

Кондакъ 12.

Благодать и веліе твое
Бдерзновеніе предъ Богомъ
вѣдуще, тебѣ, преподобне
отче, молимся: молися теплѣ
ко Господу, да хранитъ
Церковь Свою святую отъ
невѣрія и раскола, отъ бѣдъ
и напастей, да поемъ тобою
благодѣющему намъ Богу:
Аллилуіа.

Икосъ 12.

Поюще твое прославленіе,
Публажаемъ тя, преподобне,
яко многомошна молитвенника
о насъ предъ

Господемъ, утѣшителя и заступника, и съ любовію возглашаемъ ти сице: Радуйся, Церкви православныя похвало: радуйся, отечеству нашему щитъ и огражденіе. Радуйся, путеводителю, всѣхъ къ небеси направляй: радуйся, защитниче нашъ и покровителю. Радуйся, силою Божіею многая чудеса содѣявый: радуйся, ризою твоею многія недужныя исцѣливый. Радуйся, вся козни діавольскія побѣдивый: радуйся, звѣри дивія кротостію твоею покоривый.

Радуйся, преподобне Серафиме, Саровскій чудотворче.

Кондакъ 13.

О предивный угодниче и великій чудотворче, преподобне отче Серафиме, пріими малое сіе моленіе наше, въ похвалу тебѣ возносимое, и предстоя нынѣ престолу Царя царствующихъ, Господа нашего Іисуса Христа, молися о всѣхъ насъ, да обрящемъ милосердіе Его въ день судный, въ радости поюще Ему: Аллилуіа. [*Трижды.*]

И паки икосъ первый и кондакъ первый.



МОЛИТВЫ ПРЕПОДОБНОМУ СЕРАФИМУ.

Молитва первая.

О пречудный отче Серафиме, великій Сарóвскій чудотворче, всѣмъ прибѣгающимъ къ тебѣ скоропослушный помощниче! Во дни земнаго житія твоего никтоже отъ тебе тощъ и неутѣшенъ отъиде, но всѣмъ въ сладость бысть видѣніе лика твоего и благоувѣтливый гласъ словесъ твоихъ. Къ симъ же и даръ

исцѣленій, даръ прозрѣнія,
даръ немощныхъ душъ
врачеванія, обилень въ тебѣ
явился. Егда же призва ты
Богъ отъ земныхъ трудовъ
къ небесному упокоенію,
николиже любовь твоя пре-
ста отъ насъ, и невозможно
есть исчислити чудеса твоя,
умножившаяся, яко звѣзды
небесныя: се бо по всѣмъ
концемъ земли наша лю-
демъ Божиимъ являеши
и даруеши имъ исцѣленія.
Тѣмже и мы вопіемъ ти:
о претихій и кроткій угод-
ниче Божій, дерзновенный

къ нему молитвенниче, ни-
колиже призывающія Тя
отрѣваяй, вознеси о насъ
благомощную твою молитву
ко Господу силъ, да укрѣ-
питъ отечество наше, да
даруетъ намъ вся благо-
потребная въ жизни сей
и вся къ душевному спа-
сенію полезная, да огра-
дитъ насъ отъ паденій
грѣховныхъ и истинному
покаянію научитъ насъ,
во еже безпреткновенно
внити намъ въ вѣчное
небесное Царство, идѣже
ты нынѣ въ незаходимѣй

сіяеши славѣ, и тамо воспѣ-
вати со всѣми святыми
живоначальную Троицу до
скончанія вѣка. Аминь.

Молитва вторая.

О великій угодниче Божій,
преподобне и Богоносне
отче нашъ Серафиме! призри
отъ горнія славы на насъ
смиренныхъ и немощныхъ,
обремененныхъ грѣхми
многими, твоя помощи и
утѣшенія просящихъ. При-
никни къ намъ благосер-
діемъ твоимъ и помози намъ
заповѣди Господни непо-
рочно сохранять, вѣру пра-

въславную крѣпко содер-
жати, покаяніе во грѣсѣхъ
нашихъ усѣрдно Богу при-
носити, во благочестіи хри-
стіанстѣмъ благодатно пре-
успѣвати и достойны быти
твоего о насъ молитвеннаго
къ Богу предстательства.
Ей, святче Божій, услыши
насъ молящихся тебѣ съ
вѣрою и любовію и не
презри насъ требующихъ
твоего заступленія: нынѣ
и въ часъ кончины нашея
помози намъ и заступи
насъ молитвами твоими отъ
злыхъ навѣтовъ діаволь-

скихъ, да не обладаетъ нами
тѣхъ сила, но да сподо-
бимся помощію твоею наслѣ-
довати блаженство обители
райскія. На тя бо упованіе
наше нынѣ возлагаемъ, отче
благосердый: буди намъ во-
истинну ко спасенію путе-
вождь и приведи насъ къ не-
вечернему свѣту жизни вѣч-
ныя Богопріятнымъ пред-
стательствомъ твоимъ у пре-
стола Пресвятыя Троицы, да
славимъ и поемъ со всѣми
святыми достопокланяемое
имя Отца и Сына и Святаго
Духа во вѣки вѣковъ. Аминь.

Тропарь Преподобному Серафиму
Саровскому, гласъ 4:

Отъ юности Христа возлюбилъ еси, блаженне, и Тому Единому работати пламеннѣ вожделъ въ, непрестанною молитвою и трудомъ в пустыни подвизался еси, умиленнымъ же сердцемъ любовь Христову стяжавъ; избранникъ возлюбленъ Божія Матери явился еси. Сего ради вопіемъ ти: спасай насъ молитвами твоими Серафиме, преподобне отче нашъ.

Кондакъ Преподобному Серафиму
Саровскому, гласъ 2:

Міра красоту и яже въ немъ тлѣнная оставивъ, преподобне, въ Саровскую обитель вселился еси: и тамо ангельски поживъ, многимъ путь былъ еси ко спасенію: сего ради и Христосъ тебѣ, отче Серафиме, прослави, и даромъ исцѣленій и чудесъ обогати. Тѣмъ же вопіемъ ти: радуйся, Серафиме, преподобне отче нашъ.

Прокимень, гласъ 4:

Честна предъ Господемъ смерть преподобныхъ Его.

Стихъ: Что воздамъ Господевѣ о всѣхъ,
яже воздаде ми.

На утрени Евангеліе от Матоея, глава 11,
ст. 27-30.

На Литургіи: Апостоль: Гал. 5, 22, — 6, 2.

Евангеліе: Матоея, глава 11, ст. 27-30,
или Луки 6, 17-23.

Причастень: Въ память вѣчную будетъ
праведникъ.

Величаніе: Ублажаемъ тя, преподобне
отче Серафиме, и чтемъ свя-
тую память твою, наставниче
монаховъ и собесѣднике
Ангеловъ.

На Велицѣй Вечерни. Подобенъ: Преславное
чудо, подвижникъ благочестія въ Саровѣ явля-
ется, и молитвенникъ къ Богу теплый Серафимъ
пречудный намъ бываетъ: веселися, обитель
Саровская, имуши въ себѣ моши преподобнаго:
взыграйте, православныхъ множества, предив-
наго Серафима имуше въ бѣдахъ заступника
и вопіюще къ нему: радуйся, свѣтильниче Рос-
сійскія земли, тьмы сопротивныхъ далече от-
рѣвай и Господевѣ молися, даровати душамъ
нашимъ миръ и велію милость.

На стиховнѣ гласъ 6: Преподобне отче Се-
рафиме, кто исповѣсть труды твоя и болѣзни?
Или кій языкъ изречетъ жестокое пустынное
твое житіе, бдѣніе же и пошеніе, еще въ за-

творѣ пребываніе, устенъ безмолвіе и моленіе непрестанное? Воистину явился еси постникомъ украшеніе, молитвинниче къ Богу непостыдный. Тѣмъ же къ тебѣ вопіемъ: радуйся иноческаго житія правило: радуйся, въ бѣдѣхъ и скорбехъ великое утешеніе: и теплый всѣмъ предстателю: молися, преподобне, спастися душамъ нашимъ.

Краткое сказаніе о жизни пр. Серафима Саровскаго

Саровскій подвижникъ Серафимъ родился въ 1769 г. 19 іюля въ г. Курскѣ, въ семействѣ благочестиваго Курскаго купца — подрядчика Исидора и Агафіи Мошниныхъ.

При рожденіи пр. Серафиму нарекли имя Прохоръ. Рано онъ лишился своего отца и остался на попеченіи своей благочестивой матери.

Промыслъ Божій съ самаго младенческаго возраста не оставилъ Прохора. Онъ чудеснымъ образомъ былъ спасенъ при паденіи его съ большой высоты при постройкѣ Сергіевскаго храма въ г. Курскѣ. Другой разъ, будучи опасно боленъ, онъ въ сонномъ видѣніи увидѣлъ Пресвятую Богородицу, Которая его и исцѣлила.

Съ юныхъ лѣтъ Прохоръ устремилъ себя къ духовной жизни, онъ неустанно посѣщалъ

церковныя богослуженія и занимался чтеніем Слова Божія. Любимой темой разговоровъ Прохора были монастыри и подвижническая жизнь древнихъ иноковъ.

Семнадцати лѣтъ, съ благословенія и разрѣшенія своей матери, Прохоръ ушелъ на богомолье въ Кіевъ, тамъ напитался духовно отъ свв. Угодниковъ Кіевскихъ и по благословенію старца — затвѣрника Досифея, отправился въ Саровскую пустынь, Тамбовской губ., гдѣ онъ и проходилъ свое подвижническое послушаніе въ теченіи всей своей жизни.

Живя въ монастырѣ, онъ посвятилъ всю свою жизнь труду, молитвѣ и богомыслию. Онъ былъ монахъ — пустынникъ, строгій затворникъ, столпникъ, постникъ и любвеобильный старецъ — совѣтникъ.

Божественныя тайны неба и земли открылись отцу Серафиму еще при его жизни: онъ видѣлъ Господа, Матерь Божію, Силы Небесныя и сонмы святыхъ. Одаренный особымъ даромъ любви, преподобный Серафимъ въ каждомъ человѣкѣ усматривалъ образъ Божій. Радостное настроеніе его, его крѣпкая убѣжденность, что "нѣтъ намъ дороги унывать, потому что Христосъ все побѣдилъ". невольно передавались людямъ, взыскующимъ у старца утѣшенія.

Бесѣда старца была проникновенной; его смиренныя рѣчи грѣли сердце, озаряли умъ духовнымъ разумѣніемъ, приводили къ раскаянію и возбуждали надежду на исправленіе. Въ сердцахъ людей загоралась новая вѣра, новая надежда на Господа. С миромъ въ душѣ, возвращались, обычно, паломники изъ Саровской пустыни къ себѣ домой.

"Подвигомъ добрымъ подвизаяся", о. Серафимъ достигъ святости и обладалъ даромъ прозорливости и даромъ исцѣленій. Случаи чудесной помощи по молитвамъ его, при жизни и по кончинѣ его, знаетъ вся вѣрующая Россія и даже многіе иностранцы.

Преподобный Серафимъ скончался 2-го января 1833 года семидесяти двухъ лѣтъ. 19-го іюля 1903 года въ Саровѣ состоялось торжественное открытіе мошей преподобнаго и онъ былъ причисленъ къ лику святыхъ Православной Церкви.

(Из книги проф. В.И. Ильина "Преподобный Серафим Саровский").

КОНДАК



Избранный чудотворче и предивный угодниче Христов,



скорый помощниче и молитвенниче наш преподобне отче




Серафи-ме, велича-юще прославльшаго тя Господа, вос



пева-ем ти похвальна-я. Ты же имей велие дерзнове-



ИКОС 1-й



верных велича — ни-е, радуйся претихо-е скорбным

у-теше — ни-е. Радуйся прелюбимое иноков похвале-

ни-е, радуйся живущим в мире предивное поможе —

ни-е, радуйся Российския державы славо и огражде-

ни-е, радуйся тамбовския страны священное украше—

ни-е. Радуйся преподобне Серафи—ме, Саровский чудо—

тво— рче.

Аллилуия, аллилу-и-я, аллилу—и-я.



"Изображение Преподобного Серафима Саровского в виде плащаницы с частицами Святых мощей, волос, мантии и сандалии, подаренное Святейшему Патриарху Московскому и всея Руси Алексию II в день возвращения Святых мощей из музея истории религии (Казанский собор) 12 января 1991 г."



"Прижизненный портрет Преподобного Серафима Саровского, находящийся в патриаршей резиденции в Переделкино."



Рака с мощами.



Прижизненный портрет Преподобного Серафима Саровского, находящийся в Московской резиденции Святейших Патриархов.

”Настоящий Акафист издан по благословению Святейшего Патриарха Московского и всея Руси Алексия II в связи с перенесением Святых мощей Преподобного Серафима Саровского из града Москвы в Дивеево, с целью накопления средств для восстановления Дивеевской женской обители Нижегородской области. В издании Акафиста приняли участие обители и приходы Русской Православной Церкви, а также:

Ново-Дивеевский женский монастырь
Smith Road
Spring Valley, N. Y. 10977

Церковь имени преподобного Серафима Саровского
131 Carpenter Avenue
Sea Cliff, N. Y. 11579

Церковь имени преподобного Серафима Саровского
322 West 108th Street
New York, N. Y. 10025

15/1.07